

U skladu sa Zaključkom Predsjedništva Bosne i Hercegovine, broj: 01-50-1-2685-15/19 od 16. jula 2019. godine, usvojenog na 4. redovnoj sjednici Predsjedništva Bosne i Hercegovine, održanoj 16. jula 2019. godine i u skladu sa Odlukom Predsjedništva Bosne i Hercegovine o postupku kandidovanja i imenovanja predstavnika Bosne i Hercegovine u međunarodnim organizacijama i institucijama („Službeni glasnik BiH, br. 66/08“), Ministarstvo inostranih poslova Bosne i Hercegovine, o b j a v l j u j e:

JAVNI POZIV

Za prijavu kandidata iz Bosne i Hercegovine na pozicije u Savjetu Evrope, kako slijedi:

01. Evropsku komisiju za borbu protiv rasizma i netolerancije (ECRI);

(Evropska komisija za borbu protiv rasizma i netolerancije (ECRI) je tijelo Savjeta Evrope, u čijoj nadležnosti je borba protiv rasizma, ksenofobije, antisemitizma i netolerancije u Evropi i jedan je od mehanizama za zaštitu ljudskih prava i sloboda.)

02. Savjetodavni odbor Okvirne konvencije za zaštitu nacionalnih manjina;

(Savjetodavni odbor je nezavisna stručna komisija, odgovorna za procjenu sprovođenja Okvirne konvencije za zaštitu nacionalnih manjina u državama članicama Savjeta Evrope. Rezultati ove procjene sastoje se od detaljnih mišljenja, za pojedine zemlje, koja se usvajaju nakon postupka nadgledanja.)

03. Evropski komitet za sprječavanje mučenja i neljudskog ili ponižavajućeg postupanja ili kažnjavanja (CPT)

(Komitet, putem posjeta osobama lišenim slobode, ispituje kako se prema njima postupa sa ciljem da, ukoliko je potrebno, poveća zaštitu tih osoba od mučenja i neljudskog ili ponižavajućeg postupanja ili kažnjavanja.)

04. Grupu eksperata za borbu protiv trgovine ljudima (GRETA);

(Grupa eksperata za borbu protiv trgovine ljudima je mehanizam Savjeta Evrope za praćenje provođenja Konvencije Savjeta Evrope o borbi protiv trgovine ljudima.)

05. Evropsku komisiju za demokratiju putem prava (Venecijanska komisija)

(Venecijanska komisija je savjetodavno tijelo Savjeta Evrope, koje pruža pravnu pomoć državama članicama SE, radi postizanja evropskih pravnih i institucionalnih standarda u segmentima demokratije, ljudskih prava i vladavine prava. Na zahtjeve zemalja članica, Venecijanska komisija daje odgovore, preporuke i mišljenja.)

Podnosioci prijava, za pozicije navedene pod brojevima od 01. do 05., moraju ispunjavati sljedeće opšte uslove:

- Da su državljani Bosne i Hercegovine;
- Da nisu krivično gonjeni i kažnjavani;
- Da imaju visoko stručno obrazovanje;
- Da aktivno vladaju jednim od službenih jezika Savjeta Evrope (engleski ili francuski)

Podnosioci prijava moraju ispunjavati i posebne uslove:

Za poziciju, navedenu pod rednim brojem 01.

Prijavljeni kandidati moraju posjedovati odgovarajuće stručno znanje i iskustvo u oblasti borbe protiv rasizma i netolerancije; da su visokog moralnog ugleda, priznati eksperti i aktivisti u oblasti poštovanja i zaštite ljudskih prava i koji su svojim doprinosom, kao nezavisni i nepristrasni stručnjaci, stekli ugled u borbi protiv rasizma, rasne diskriminacije, ksenofobije, antisemitizma i netolerancije, u skladu sa Statutom Evropske komisije protiv rasizma i netolerancije.

Za poziciju, navedenu pod rednim brojem 02.

Prijavljeni kandidati moraju biti visokog moralnog ugleda, eksperti sa najvišim integritetom, sa odgovarajućim iskustvom u oblasti zaštite nacionalnih manjina, koji su ugled stekli svojim doprinosom u razvoju demokratije, poštovanja i zaštite ljudskih prava, u skladu sa Rezolucijom Komiteta ministara Savjeta Evrope Res (97) 10, da su nezavisni i nepristrasni u obavljanju svojih dužnosti.

Za poziciju, navedenu pod rednim brojem 03.

Prijavljeni kandidati moraju posjedovati odgovarajuće stručno znanje i iskustvo, visoku moralni ugled, priznati stručnjaci različitih profila, uključujući pravnike, ljekare, specijaliste za zatvorsku ili policijsku oblast, koji su svojim radom stekli ugled u struci kojom se bave, u skladu sa Rezolucijom Savjeta Evrope (1248) 2001., da su nezavisni i nepristrasni u obavljanju dužnosti.

Za poziciju, navedenu pod rednim brojem 04.

Prijavljeni kandidati moraju biti osobe sa visokim moralom, stručni u oblasti ljudskih prava, da posjeduju iskustvo, usko povezano sa borbom protiv trgovine ljudima, pomoći i zaštiti žrtava, u skladu sa Rezolucijom Savjeta Evrope CM/Res (2008) 7., da su nezavisni i nepristrasni u obavljanju svojih dužnosti.

Za poziciju, navedenu pod rednim brojem 05.

Prijavljeni kandidati moraju biti visokog moralnog ugleda, u skladu sa odredbama člana 2. Stav 1. Revidiranog statuta Venecijanske komisije, da su ugledni pravni stručnjaci, eksperti u oblasti nacionalnog, međunarodnog ili ustavnog prava, koji su stekli ugled u razvoju i demokratizaciji institucija, da su nezavisni i nepristrasni stručnjaci, koji su se dokazali u pravnoj oblasti zaštite ljudskih prava.

Uz prijavu na Javni poziv, kandidati moraju priložiti sljedeće dokumente:

- Biografiju, na jednom od jezika BiH, sa kontakt podacima (broj telefona, adresa, prebivalište)
- Uvjerenje o državljanstvu, ne starije od 6 mjeseci
- Uvjerenje od nadležnog Suda da se protiv kandidata ne vodi krivični postupak
- Kopija diplome o završenom fakultetu
- Sertifikat o aktivnom znanju jednog od radnih jezika Savjeta Evrope (engleski ili francuski)

Podnosioci prijava, u pisanoj prijavi, pored ostalog, trebaju da navedu i motiv podnošenja prijave na Javni poziv, uz obrazloženje zbog čega smatraju da su osobe koje mogu obavljati naprijed navedene poslove, te da navedu iskustva iz oblasti prava, ljudskih prava i razvoja demokratije.

O prijavljenim kandidatima, od strane BiH, odlučuje Predsjedništvo Bosne i Hercegovine, u skladu sa svojim ustavnim ovlaštenjima.

Javni poziv se objavljuje na web stranici Ministarstva inostranih poslova Bosne i Hercegovine.

Rok za prijavljivanje kandidata je petnaest (15) dana od dana objavljivanja Javnog poziva.

Prijave na Javni poziv, sa kompletnom dokumentacijom, potrebno je dostaviti neposredno ili putem pošte, preporučeno na adresu: **Ministarstvo inostranih poslova Bosne i Hercegovine; ulica Musala 2; 71 000 Sarajevo, sa obaveznom naznakom: „Javni poziv – Savjeta Evrope“**

Nepotpune i neblagovremene prijave neće se uzeti u razmatranje.